

24. marts 2014

UPA 2014/120
Jens Immanuelson

**Uunga siunnersuut: Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata allanngortinneqarnera pillugu Inatsisartut inatsisaat nr. XX, XX. XXX 2014-imeersoq.
(Aningaasaqarnermut Nunamullu Namminermut Naalakkersuisoq)**

2013-mi ukiakkut Inatsisartut ataatsimiineranni Aningaasanullu Inatsississap siullermeerneqarneraniilli Siumumi pingaartutut oqariartuutigineqarpoq avataani aalisakkat qaqqinneqartut Nunatta Karsianut iluaqutigineqarnerulernissaat eqqarsaatigalugu Naalakkersuisut suliaqartariaqartut tamatumani avaleraasartuut akitsuuserneqarnissaat ilanngullugu kaammattuutigineqarluni.

Tamatumalu kingunerisaanik 2014-mut Anigaasanut Inatsisikkut qulakkeerneqarpoq **avaleraasartuut misilerarneqartussat kiilumut 1,50 kr.-mik** akitsuuserneqarmata tamaalilluni 2014-mi akitsuut atuuttussatut akuersissutigineqarluni **konto pingarneq 24.11.26-mut.**

Ilangullugu Naalakkersuisunut apeqqutigissavarput ulluni kingullerni avaleraasartoorliarnermi 2014-miit 2018-ip tungaanut Savalimmiut, Norge aamma EU-p avaleraasartoorliarneq pillugu isumaqatigiisusiornerannut qanoq Naalakkersuisut qisuariaateqarniarnersut.

Tamatumani isornarluinnarmat pingaartumik Savalimmiut eqqarsaatigalugit uparuartariaqarlunilu, nunattami Savalimmiut avaleraasartoorliarnerat pissutigalugu EU-mi mattunneqarmata tapersernikuuai taamaattumik Naalakkersuisut qanoq iliuseqalersaarnersut pingaaruteqarpoq paasissallugu.

Avaleraasartuut nunatsinni suliffissuaqarnikkut annermik siunissami iluaqutaanissaat Siumumi isigaarput taamaattumillu nunatsinni suliffissualiornissamik pilersaaruteqartut pisassinneqarnissaat kaammattuutigaarput avaleraasartuunik aalisarneq nunatsinnut nutaajuvoq iluatsittumillu ingerlassasoq Siumumit neriuutigaarput.

Ilangullugu Siumumiit Naalakkersuisunut apeqqutigirusupparput akitsuussiineq aalisarneqartussat eqqarsaatigalugit maannamut aalisarniarlutik qinnuteqartut amerlassusiannut sunniuteqarnerasoq aalisarneqartussanut qassit qinnuteqaateqarnerisut aammalu akuersissutit aalisartitseqatigiinnut qanoq amerlatigisunut agguanneqarnerisut

erseqqissumik paaserusukkatsigu, Siumumiillu erseqqissaassutigissavarput aningaasalersugassat annertuut aamma sulii assersuutigalugu Namminersornermi Inatsimmi tigusunnaasavut naalagaaffimmiit tigunggisavut akissaqartikkumallugit sapinngisamik ukiuni qaninnerni anigaasassaqaqtinnissaat anguniartariaqartoq, Siumumi eqqaasitsissutigalugu pingaartutut isigigatsigu, akitsuusiinikkut aningaasat isertinneqartut inuiaqatigiinni aningaasalersuineri atorineqassammata tamannalu ingerlatseqatigiiffinnut artukkiinngitsumik pisuussutit uumassusillit eqqarsaatigalugit pisinnaasoq Siumumi isumaqarpugut.

Siumumiillu ilangullugu apeqqutigissavarput qalerallit tunitsivinni suliarineqaratik annissorneqartut akitsuusersorneqarnissaannut ukiakkut Inatsisartut Ataatsimiineranni Anigaasaqarnermut Akileraartarnermullu Ataatsimiitaliami isumaliutissiisuteqarnermi upernaakkut ataatsimiinnermi Naalakkersuisut akitsuummot inatsisissamik saqqummiusinissaanik piunnaqartoqarnera pillugu suliap sumut killinnera ilangullugu apeqqutigissavarput.

Anigaasanut Inatsimmi 1,50 kr.-mik akitsuussiineq Inatsisartut ukiakkut ataatsimiineranni 90 mio. kr.-nik isertitsiffiusussatut Anigaasanut Inatsimmi konto pigaarneq 24.11. 26-mi aalajangersarneqarpoq kingusinnerusukkullu pisassiissutaasut 60.000 tonsinit 100.000 tonsinut qaffaneqarneranni 60 mio. kr.-nik isertitaqarnerunissamik Anigaasanut Inatsimmi isertitassat qaffannerannik kinguneqartussa q ilangulluni Anigaasanut Inatsimmi aqqiivigineqassaoq inassutigissavarput, isertitassat qaffanerat pisassiissutaasut 60.000 tonsiniit 100.000 tonsinut qaffaaviginerannik kinguneqarmat, taamaalilluni 150 mio. kr.-nik avaleraasartuut pisassiissutaasut isertitsissutigineqarnissaat pisussangorluni.

Inuiaqatigiinni suliffissaaleqinermik eqqugaaqqavut anigaasanillu nalilissuit suliarinagit annissorneqarnerat pillugu aalajangikkat malitseqartinneqarnissaat Naalakkersuisut pisussaafigigaat eqqaasitsissutigissallugu pingaaruteqarpoq qalerallit suliarineqaratik anissorneqartut akitsuusersuiffigineqarnissaat aalajangersarneqarnikummat. Tamatumani sinerissami qanittumi pisat suliarineqaratik qeritiortorneqaannartut tunitsivinnieqqarsaatigalugit.

Siumumiit taamatut avaleraasartuut akitsuutaat pillugit oqaaseqarluta Anigaasaqarnermut Akileraartarnermullu Ataatsimiitaliami suliarineqarnissaa innersuupparput.